



САМУРДИН

ССС

«Маггарамдхурун район» МР-дин
общественно-политический газет.
Общественно-политическая газета
МР «Маггарамкентский район».

ГОЛОС САМУРА

Газет 1951- йисалай акъатзава. № 13 (7992) киш, 14- март, 2020- йис. Къимет 6 манат

ГЪАЛИБВИЛИН ГЪУЪРМЕТДАЙ



САЛАСА юкъуз, «Маггарамдхурун район» МР- да «Рикел аламу-къунин бахча» лишандик кваз кыле физвай вирироссиядин акциядиз къуват гунин мярекат кыле фена.

Чехи Гъалибвилин 75- йис тамам хъуниз талукъарнавай акциядиз къуват яз, МР- дин кыл Фарид Агъмедова «Маггарамдхурун лесничество» ГКУ- дин руководитель Махач Жафаров, администрациядин жавабдар работник, «Хурун майишатдин отдел» ва «Чилерин эменнидин алакъайрин отдел» МКУ- рин начальник тир Артур Гъажиев ва Марат Къачаев галаз администрациядин вилик квай паркуна къанни цудалай виниз муьткердин къелемар сана. Цанвай гъар са къелем, чпин чанар гъайиф татана

чехи гъалибвilihъ ялай аскерриз гуьгъунлай къеззай несилприн патай малумарзавай гуьрметдин гьерекат я.

Къейд авуна къанда, тарих рикел хуьнин мураддалди Россиядин Президент Владимир Путина, алай 2020- йис «Рикел аламуькдаи бажарагъдин ва баркаллувилинди» яз малумарнава.

Вири Россияда санлай дяведа телеф хъайи аскерин гуьрметдай 27 миллион къелем аклурда ва абурукай 90 агъзур къелем Дагъустанда чада.

Райондин руководстводи кыл кутунвай акциядиз хуьрерин администрациядин кылерин къуват гуда ва давамарда.

МАЛУМАТ



ВАТАНДИН Чехи дяведин 75- йисан юбилейдин къаршидиз «Гъалибвилин Там» лишандик кваз акция кыле фида.

Президентдин Администрациядин руководитель А. Э. Вайно-ди РФ-дин субъектра кыле тухвана къанзавай мярекатрин план тестикъарнава. Вирироссиядин акция «Гъалибвилин Там» алай йисан 18- март- дилай 30- июнда кван кыле фида. Сад лагъай мярекат 18 мартдиз 2020 йисан Крым Россиядик галаз гилиг хъувур йикъаз талукъарнава. И акцияда иштирак авун патал вири Маггарамдхурун райондин жемиятдиз звер гузва.

КЪАЙГЪУСУЗВАЛ БАГЪИШЛАМИШДАЧ

АЛАТАЙ гъафтеда хъайи совещаниедал республикадин Къил Владимир ВАСИЛЬЕВА агъалийри тлебии газ ишлемишунин рекъе хатасузвилини истемишунар къилиз акъудун таъминарунин месэладал фикир желбнай. Статистикадин делпри ачухарзавайвал, республикада тлебии газ хатасуздуказ ишлемишунин жигъетдай авай гъалар разивал ийиз жедайбур туш. Анжах алай йисан январь, февралдин варцара 18 дуьшуьш арадал атанва, абурун нетижада 40 касдиз зарар ганва.

«Эхиримжи дуьшуьш 13-февралдиз Махачкъалада хъанакъе мертебадин къвале газ хъиткъинна, нетижада 53 йисан яшда авай дишегълидал залан хирер хъанва. Бахтуну гъана, къвали цай къунач, тахъайтла, мусибатдин гъалар арадал атун мумкин тир. Гъар гъикл ятлани, са кар якъин я- газдин хатасузвилини месэладив агъалияр къайгъусузвилелди эеелъзава. Инсанри фикирзава хъи, «газ» гафунихъ галаз алакълу вири месэляяр газовикрин жавабдарвилик къва. Гъа са вахтунда хатасузвилини къайдаяр вири ксариз талукъ я», - къейдзава «Газпром газораспределение Дагестан» ООО-дин исполнительный директор Ризван Къазимегъамедова.

ХАТАСУЗВАЛ - СИФТЕ ЧКАДАЛ

Газдалди таъминардай хел виниз тир хаталувал авайди я. Эгер гзаф квартирайрикай ибарат къвале яшамеш жезвай са касди газдин тадаракар, мумкин тир нукъсанрин вилик пад къун патал вахт-вахтунда ахтармиш тавуртла, арадал атай бедбахтвилини нетижада вири къвалериз зарар жеда. Газди вичив къайдасузвилелди эгечлун багъишламишдач. И жигъетдай инсанар къинин асул себебрик акатзава: гум фидай турбаяр ва я маса тадаракар къайдада авачирвилляй къватл жезвай угардин газдалди зегъ-

ерламиш хъун ва яшайишдин къвалера газдинни гъавадин къаршма хъиткъинун.

Газдин сетар ва тадаракар хатасуз къайдада хъунин асул шартл абуроз махсус (и рекъяй пешекарар тир) карханади вахт-вахтунда технический рекъяй къуллугъ авун я. Гъаниз килигна, къвалера авай газдин тадаракар газовикрив ахтармишиз тун важиблу я.

Къетлен хаталувал, къейдзавайвал, газдин колонкайри арадал гизва, гъикл лагъайтла, абур пешекарар тушир ксари эцигзавай дуьшуьшар тлимил туш. Са ни ятлани и кар вичи ийизва, масада лагъайтла. къуншидиз теклифзава. Гъа са вахтунда им эсиллагъ дуьз рехъ туш.

РФ-дин Гъукуматди 2013-йисан 14-майдиз къабулай къарардин бинедаллаз (№410), муьштлеридив къвалин ва я квартирадин къене авай газдин тадаракриз кутлуннавай икърар хъун чарасуз я. Чир хъана къанда хъи, ихътин икърар тахъуникай муьштлеридин къвал газдалди таъминарун акъвазарунин бине жезва. Вучиз лагъайтла, эгер иесиди газовикар лазим ахтармишунар авун патал къвализ ахъай тавуртла (чакай гзафбур уйизвайвал), абурун вилик ракъларар агалайтла, им а касди вичин хизанни, къуншиярни хаталувилик кутунва лагъай члал жезва.

«Газовикривай, газдин тадаракриз технический рекъяй къуллугъ авунин бинеда вуч ава лугъуз мукъвал-мукъвал хабарар къада. Гъелбетда, и суал гъахълу я, гъикл лагъайтла, йис патал кутлунзавай икърардихъ чна пул гузва», - лугъузва идардин векилди.

Ада гъавурда турвал, ихътин икърардин бинедаллаз, слесарди, куь къвализ атайла, сифтени-сифте газдин прибордин патав азаддаказ физ жезватла, газдин турба приборрихъ жуфтдиз галкъурнаватла, тадаракар авай гъал ахтармишна къанда.

Идалайни гъейри, гзаф квартирайрин са къилдин ксарин къвалерин къецепатан ва къенепатан конструкциейрай тухванвай чкайрал футлярар алатла, абур къайдада аватла, турбаяр галкъурнавай чкаяр гъи гъалда аватла килигда. Газ кузвай тадараки вири режимра къвалахзавай жуьре ахтармишда, пичерин горелкаяр къватл жезва чиркерикай михъда, кранар алудда ва абуроз ягъ яда. Газдалди таъминарунин къвалахда дегишвилер хъайила, ам автоматламишнавай къайдада акъвазарунин тадаракар гъи гъалда аватла килигда, дуьздаказ туькълур хъийида. Гум фидай ва гъава михъи ийидай системада гъавада члугвадай къуват аватла, гурмагъдихъ турбаяр галкъурнавай жуьре ахтармишда, абонентдиз яшайишда газ хатасуздуказ ишлемишунин къайдаяр чирда.

«Къиле тухванвай ТОВДГО-дилаи къулухъ муьштлери, эгер и къвалахар, дугъриданни, тамамарнаватла, вахунин-къабулунин актунал къул члугун лазим я. Гъа ик инсандивай, къвал чими ийидай къазан ва я газдин пич себеб яз, члур гъалар арадал текъведайдак умуд кутуна, архайинвал ийиз жеда. Инал къейд ийин, винидихъ лагъанвай къвалахар тамамарунин къиметар гъар жуьредин бур ятлани, екебур туш. Мисал яз, къуд конфоркадикай ибарат газдин пичиниз технический рекъяй йиса къуллугъ авунин къимет-330 манат, газдин счетчикдин -127 манат я. Гъа са вахтунда и къвалахри куь сагъламвал ва эменнидин саламатвал заминламишзава», - гъавурда твазва Р.Къазимегъамедова.

Къейд ийин, алай вахтунда РФ-дин Къил В. Васильеван тапшуругъдалди республикадин агъалийрин къвалера авай газдин тадаракар

ПЕШЕКАРДИХЪ ГАЛАЗ СУЪГЪБЕТ

МУКЪАЯТВАЛ ХВЕНА КІАНДА



ДЕКАБР-ДИН вацран эхирда *Китайда пайда хъайи коронавирсди алемдик бегъем къалабалух кутуна. Пайда хъайи вирус чклидалди адан гъакъиндай гъар жуьре соцсетра чклизвай информациядин гужлувал лап екеди хъана. Гъар жуьре ихтилатар, гъар юкъуз рекъизвайбурун гъакъиндай деллар,*

куьчейра гзаф инсанар кватл жезвай чкайрал ярх жезвай ва махсус парталар алай медицинадин работникри вахузвай азарлу инсанар квай клипри лап кичевилин велвела туна. Дугъриданни Китайдин Хубэй провинцияда адетдин тушир вирус пайда хъанвайди тестикъарнай. Шак физвайвал, инфекция арадал гъизвайди ажайиб, вагъши гъайванар я. Иниз килигна, профилактикадин серенжемар яз, КНР-дин къуллугъри вагъши гъайванрин як гун къадагъа авунва ва вирусдихъ галаз женг тухузва. Къенин юкъуз и вирус 40 гъукуматда пайда хъанвайди якъин я. Абурун арада СНГ-дин гъукуматарни ава. Россиядин Минздравди винидихъ тлварар къунвай гъукуматриз фин вахтуналди акъвазарун меслятзава.

Алатай гъафтеда Магъарамдхуьруьн районда, республикадин инфекционний центрди сергъятдиз мукъва са жерге районра ва шегъерра вирусный инфекцийрин профилактикадиз талукъарнавай гегъениш ученияр къиле тухвана. Информация райондин сайт-рал эцигун багна хъана, гъатай кичевилин велвелади вири рейтингар яна. Къал къачузвайбурун гъавурда авай савадлу инсанар тир. Идан гъакъиндай чи корреспондент Афисат Айдемирова, ЦРБ-дин духтур-инфекционист Света Эфендиевадихъ галаз гуьруьшмиш хъана ва адахъ галаз са къадар ихтилатар авуна.

- Света Мирзоевна, алай вахтунда алемдик коронавирс пайда хъуни бегъем гъулгъула тунва. Чи районда гъихътин гъалар ава?

- Гъелбетда гъар йисуз хъуьтлуьн варцара ОРВИ-дин уьзурди къил жажзава, амма вахтунда къабулай серенжемрин нетижада сагъламвиллиз зиян авачиз сагъардай мумкинвал жезва. Коронавирс са гъина ятлани пайда хъанватлани ам чукулунин хаталувал фикирдай

акъудна жедач. Гъикл лагъайтла алай вахтунда цавай, чилелай фидай улакърикай менфят къачуна агъалияр инай-аниз чпин дердийриз физва, алиш-веришдин савдаяр ийизва. Алай вахтунда чи республикада коронавирс пайда хъайи дуьшуьшар малум туш. Гъар юкъуз райондин школайра, бахчайра ва гъаклни квалера обходар тухузва. Чи отделениеда ОРВИ-дик азарлу хъанвай хизанар санал сагъарай дуьшуьшарни хъана.

Хизанда садакай муькуьбурукни акатзава. Ифинар акъалтай дуьшуьшра квалера сагъариз алахъзава ахпа яцлара гъатайла чи патав къвезва. И вацра чаз Гъапцегърин хуьрй гзаф азарлуяр хъана. Сагъ хъхъанвайбурук инфекция къвед лагъай сеферда акат хъувурла лап тади гузва, жигеррин стлалжем жезва, ихътин дуьшуьшра чазни четин жезва. Ифинар акъалтун, квачерин руфунар, къилтла хъун, уьгъуьяр агалтун, иштягъ квахъун ибур уьзурдин сифте лишанар я.

- Инфекцийрикай хуьн патал квевай агъалийриз гъихътин меслятар гуз жеда?

- Сифте нубатда инсанар гзаф кватл жезвай чкайра чарасузвал авачиз пайда хъана кландач. Ахътин чкаяр иммунитет бегъем мягъкем тахъанвай аялар патал гзаф хаталу я. Вичин сагъламвиллихъ гелкъвезвай гъар са касдиз маска алукулун, нерин хилеривай оксалиновый мазъ гуьцлун, гъилер запундалди чуьхуьн, ргай яд ишлемишун, незвай емишар майваяр хъсандиз чуьхуьн ва азарлудахъ галаз алакъадивай хуьн меслятзава. Гъасятда антибиотикар ишлемишун дуьз туш. Витаминрин комплекс ва булвилелди яд ишлемишун меслят къалурзава. Сифте лишанар пайда хъанамазди духтурдин патав атуни сагъламвиллиз артух зиян гудалди уьзур сагъардай мумкинвал гуда. Чахъ больницада, азарлуди тамамвилелди сагъардай вири препаратар ава. Хабарсуз атай республикадин инфекционний центрди тухвай ученийрин нетижада чахъ коронавирс ака-тай дуьшуьшрани вирусдихъ галаз женг чуьгвадай вири мумкинвилер авайди малум хъана.

- Суьгъбет авунай чухсагъул.

ДИДЕДИН ЧІАЛ РУЪГЪДИН ДЕВЛЕТ Я

ЗАЗ зи макъала дядедин ва зегъметдин ветеран Жанлат Примован эсердай маракълу са клусунилай башламишиз кланзава: «И мукъвара зун пенсия къачуз сбербанкдин залда ацукънавай. Гъамиша хъиз инсанни гзаф квай. Кассадин рак ахъайна, анай къакъан буйдин, къелечі якларин, дар либасар, къвачел тик дабанар алай жегъил дишегъли экъечіна. Хъуьчлуьк чулав тумаждин сумка ква, эрчи гъил япал ала. Ам ван алаз рахазва. Адан рахунри ва акунри инал алайбурун фикир желбна.

- Я руш, ты подожди, тади ийимир. Скажи его видела, ты говорила с ним? Да не спешит. Ладно, жди меня, я скоро там буду...

Рахаз-рахаз ам залдай экъечіна. Чи патав гвай яшлу дишегълидин вилер адалай алатзавачир. Адаз лап рикливай хъел атанвай. Гъа дишегъли алатнамзди ам ахва хъана:

- Вагъ вун тахсарадиз фий, дидедин чіал гъисаба авачир. Куц аку вичин дидедин чіал саймиш тийизвай. Ваз дидедин хуралай гайи нек гъарам хъурай. – Гагъ ван алаз, гагъ вичи-вичиқди ам акъваз тавуна рахазвай.

Им рикі дериндай тіар хъанвай дидеде вичин чіалан гъарайдиз эверзавай гъахълу ажугъдин сес тир»

Вилиқди къачузвай гъар са камуни чавай чи къвалахра ційивилер тун истемишзава. Вичин гзаф миллетрикай ибарат тир Россиядин Федерация хътин чіехи государствада яшамиш жезвайбурувай.

Амма алай вахтунда Россиядин Федерацияда яшамиш жезвай гъевчи миллетриз (гъабуркай яз лезгийризни) чпин чіал, культура хуьн са къадар четин кардиз элкъвена. Чкайрал ийидай кар-кеспи авачир гзафбур маса регионриз куьч хуьниз мажбур жезва. И кар сеbeb яз чи балаяр жуван милли чіалалди клелкхъиникай ва чпиз хас тир милли гзаф маса къетленвилерикай магърум жезва.

Гъевчи халкъар Россиядик

чпин милливал, чіал, культура, адетар хуьниз манивал гун тавунин шартлуналди экечіайди я. Ятіани, гъатта СССР-дани и кардал амал тийиз, са чіалалди рахадай (единий советский народ) советрин халкъ арадал гъиз клан хъайиди рикел хкин. И чіавуз Дагъустандин халкъдин шаир Расул Гъамзатова «Пака зи дидедин чіал квахъдайди чир жедалди, заз зун къедамаз къена кланда»- лагъанай. Дидед чіал квахъзавайла рекъиз гъазур хъана кландач, ам хуьн патал дядедиз экъечіна кланда. Заз инал Шагъабудин Шабатован гафар гъиз кланзава: «Зун къе рекъиз гъазур жезвач, зун хайи дидед чіал хуьн патал женгиниз экъечізава.

Зун бахтлу я и дуьньядал атана,
Гъар са къвалах за рикливай
къатіана.
Рахазва зун лезги чіалан
хайид тир,
Пай я ам заз зулжалалди
гайид тир...»

Чіални инсан хъиз я, ам чіехини жезва, гъевчіни жезва. Чна маса чіаларикай къачузвай гафаралди чи лезги чіал девлетлу жезва. Р.И.- Гъайдарован «Лексика лезгинского языка» ктабда урус чіалай тахминан 1400 гаф, араб чіалай 770 гаф, туьрк, иран ва маса чіаларайни гзаф гафар атанвайди къалурнава. Лезги чіала а гафар авачирла термин яз ишлемишайтіа хъсан я. Лезги чіала а гафунин эвез авайла, маса чіалан гаф ишлемишунин игъти-яж авач эхир. Гъеле В.И. Ленина вичин девирда француз ва инглиц чіалай атай гафар герек авачир чкадал ишлемишун пислемишна. Ада лагъанай «Зачем говорить дефект, когда есть слово недостаток».

Чавайни, месела, лугъуз жеда буравдин чкадал- урукул, стулдин чкадал куьсруь, инвалид- набут, кадр- пешекар, музыкант- къавал, рабочий- фяле, учитель- малим, шпион- жасус, корабль гими, договор- икърар, статья- макъала, характер- къилих, образ- къамат, число- рекъем, варенье- мураба, гостиница- мугъманхана, граница- сергъят, магазин- туьквен, власть- гъукум, задание- тапшуругъ, орга-

низация- тешкилат, профессия- пеше, расход- харж, революция – инкъилаб, столица – меркез, гигиена – михъивал, история- тарих, культура- меденият, проза- гъикаят, творчество- яратмишунар, бегзверун, век- асир, минута- декъика, икл мад.

Чи лезги чіал еке къурхувилек ква. Неинки са жегъилри, гъакі яш хъанвай инсанрини чи бубайрилай амай адетриз, хайи чіалаз фикир гузмач. Хайи чіалал рахазвай инсанрин къадар къвердавай тіимил жезва. Иллаки шегъерда авай лезги хизанрин аялриз лезги чіал чир жезмач, вучиз лагъайтіа, дидебуба хизанда урус чіалал рахазва, абуруз лезги чіал чир хуьн патал гатун каникулриз аялар хуьруьз рахкурзава. Зун урус чіал чируниз акси туш (гзаф чіалар чир хуьн са еке бахт я), анжах жуван хайи чіални рикелай ракъурна жедач. Адал фасагъатдиз рахун, илимдин рекъелди чирун им гъар са лезгидин буржи я. Константин Паустовскийди жуван дидед чіалал рахан тийизвайди вагъшидиз ухшар я лагъанай.

Садазни сир тушиз, аялдиз сифте акъазвай виридалайни багъа, багъри играми кас диде я. Гъайиф хъи, вучиз ятіани са бязи жегъил диде-бубайри чпиз мама, папа лугъуз тазва. Айиб авачир, эгер жуван хайи чіалал маса гаф авачиртіа, ава эхир: диде, яъ, бах, буба тха- гъикъван гуьзел ванзавай гафар я. Бязи вахтара гзаф инсанрин сивяй ван къведай, квез я ам, лезги чіал адан мензил лап мукъвал жеда. Я жеди кар ана алач важиблуди вуна лезги чіалалди къелна, пешекар хуьнал алач. Кар алайди ам дидедин чіал, ахпа хайи хуьр, район, республика, я. Ватан клан хуьн патал, адаз вафалу хуьн патал гъа ихтин гурарин қарар хуьн гъар са гъевчи-чхид, ва танэгийлдиз герек я. Исъязда чаз патай, шегъердай хвезвай лезгийрин аялар ава. Лезги тарс атайла классдай экъечіиз клан жезва. Заз гъарфар чидач лугъуз. Гъарфар чирун патал классдилай хъсан чка авани? Вири халкъарихъ хъиз лезги халкъдихъни вичин тарих, вичин

алатай девирдин ва гилан аямдин алимар, шаирар, революционерар, композиторар... гзаф ава. Алкьвадар Гъасан Эфенди, адан рухвар Гъасан ва Готфрид, Молла Мегъамед, Ярагъи, Дагъустан чӀала садлагъай доктор Магъамед Гъажиев. Къилин винизвал тушни бес чи уьлкведин кефер пата къизил хкуддай мядендин начальник хъайи ахцегъви Азиз Аскеров, Ленилахъ галаз кӀвалахай шулви Мегъамед Гъуьсейнов (Лезгинцев), Ватандин ЧӀехи дяведин игитар В.Эмиров, Э.Салигъов, Гъ. Алиев ва цӀудралди маса машгъур ксарикай кхъенвай очеркар, эсерар ава. Жува-жуван халкъдин рубгъдин девлетдиз, эменнидиз къимет тагун себеб яз са бязи инсанриз абурукай лап тӀимил хабарар ава. И кардикай мад гзафбурун кӀвалера лезги ктабар тахъуни, хейлинбуру лезги газетарни журналар кхъин тавуни шагъидвалзава. Къейд авун лазим я, эхиримжи вахтара республикада лезги чӀалалди акъатзавай изданийра «Самурдин сес» газетда чӀалаз талукъ яз хейлин материалар чапзава. Хъсан кар я. И муьквара чна 5-II классра «Зи хизан» темадай сочинение тухвана. ЧӀехи пай аялри чпиз хизанда виридалайни диде кӀанзавайди кхъена, диде чилин дамах тирди тесстикъарзава. Гъа дидедиз хъиз дидедин чӀалазни къимет гана кӀанда. Гзаф аялриз дяведин ва дяведилай вилкан девирдин хуьруьн майишатдин алатрин тӀварар, къабкъажахдин тӀварар яни чӀалай акъатзавай, чпиз чӀала чка амачир гафар ерли чидач Месела, ругун, вик, хивелан, туьрез, магъв, йирф, тупучӀ, сини, леген, цӀиб, кепкир, афтафа ва масабур). Идални чна аялар айибзавач. Эгер аялриз чна и куьгъне гафар чир тавуртӀа, са 20-40 йисалай чин тийидай гафарин къадар мадни гзаф жеда, садазни ам лезги гаф тирди чир жедач. Са бязи жегъилри чпин аялрал эцигзавай маса тӀварарини са 30-40 йисалай лезги тӀварар арадай акъуддай хаталувал ава.

Чна чи аялрал эцигзавай тӀварарни лезгийриз хасбур хъун лазим я. ТахъайтӀа са бязи аялрал эцигнавай Славик, Алик хътин тӀварар паспортда куьзъуь жедал-

ди амуькзавач.

ЧӀал харчи тавун, адан ми хъивал хуьн патал чахъ районда «Самурдин сес» газет, кве телевидение «Аран», ОТВ «Шарвили», республикада «Лезги газет», Дарадио, телевиденияда лезги передачаар ава.

Чи райондин «Самурдин сес» газетда лезги чӀалал кроссвордар гун тарифлу кар хъанва. И кӀвалахар давамарна кӀанда ва райондин телевидениедани ихътин передачаар гъазурна кӀанда. Абуруз спонсарар жагъурна, активный жавабар гузвайбур пишкешралди рубгъламишна кӀанда.

Школайрани дидед чӀал тахъидаз элкъвенвай хътинди я. Дидед чӀал сятер бес тежезвай малимар рази хъувун патал «пайзава». Районда кӀиле физвай мярекатрал, совещанийрал чи чӀал ишлемишзавач. Урус чӀал ишлемишдай чкаярни хъун мумкин я, амма лезги чӀалал рахун тавун айиб я. РД-дин Халкъдин собраниядиз Республикадин Президентдин чарче кхъенвай "... Чна дагъустанвийриз талукъ вири ивирири: дидед чӀалариз, фольклордиз, муьзыкадиз, куьльериз, халкъдин парталриз-чи халкъарин рубгъ къалурзавай ва дагъустанви яз хъунин гъисс мягъкемарзавай вири ивирири къуват гун герек я".

Зи чӀал рагъ я, ам садрани
хкахъдач.

Зи миллетни къуватдай
аватдач.

Чи дережа мадни виниз
акъатда.

Сад хъайитӀа, чӀал паталди
лезгийар.

Мегъамед Ибрагимов.

Школада лезги чӀалан тарсар тӀимиларзава, сифтегъан школадин тарсар урус чӀалал тухузва лагъай хабарди инсанар пашмарнава. Чна идарайрин кӀилеривай ихътин сиясат тухун тавун тӀалабзава. Гъуьрметлу ватанэгълияр, чна жуван дидед чӀалаз гъуьрмет ийин. Ам хуьн, вилик тухун чи намусдин кар яз гъисабин.

Сулейман ПАШАЕВ.

ЗИ ЧӀАЛ- ЗИ ДЕВЛЕТ Я!

«ЛЕЗГИЙРИН ВИРИДАЛАЙНИ КЪУВАТЛУ ВА ХЦИ ЯРАКЪ- ЧӀАЛ Я»

ДУЬНЪЯДА ругуд агъзурдаг агакна авай чӀаларикай сад лезги чӀал я. Миллетар сад ийизвайди, агудзавайди, шаксуз, чӀал я. ЧӀал чи халкъдин зурба хазина, девлет я. Лезги чӀалан диб сифтегъан классра эцигзава. За исятда ругуд лагъай классда кӀелзава. Шоладиз атай сифте йикъалай заз жуван чӀалал кӀелиз, кхъиз чирун гзаф хуш я.

Чна халкъдин мецин эсеррилай башламишна, литературадин эсеррилай жкечӀна вири эсерар чирзава. Гъар са эсердихъ вичин игит, акъул гудай къуват ава. Абуру чаз яшамиш жез чирзава, чӀал, халкъ, Ватан кӀанарзава.

Мисалар, мискӀалар лагъайтӀа, чи ата бубайрин акъул, абурун ацукъун-къарагъун къалурзавай эсерар я.

Амай эсерарни гзаф гуьрчег, аламатдин эсерар я. Абуру кӀелайла, за гъа эсеррин игитрихъ галаз вири гьерекатра иштиракзава, гъабурухъ галаз санал фикирзава, кӀеверай акъатзава.

«Вафалу дустар» махуна Алискерахъ галаз санал вири кӀеверай экъечӀзава, дидедин меслятрал амал ийизва ва эхирни бахтунин куклушрихъ агакзавач. Бахтни, зи фикирдалди, вафалу дуст жагъун я. Бес Риза! И гъвечӀи етим гададин уьмуьрдалди чазни зегъмет чӀугваз чирзава. Адан гъакъисагъ зегъметди чӀехибурун чӀалаз килигуни, вири четинвилериз дурум гуни, Риза чӀехи жезва, адакай чи вилик бегъем итим жезва.

➔ 6

ЗИ ЧІАЛ - ЗИ ДЕВЛЕТ Я!

«ЛЕЗГИЙРИН ВИРИДАЛАЙНИ
КЪУВАТЛУ ВА ХЦИ ЯРАКЪ - ЧІАЛ Я»

5 ←

Ихътин мисалар гзаф гъиз жеда. Бес ибур вири чи хайи дидед чіалан тербия, алакьунар тушни? Чи чіал халкъди дегъзаманрилай инихъ гъиле яракъ къуна хвена къе чав вахканвай ядигар я. Чіал квадратун- им диде, Ватан гадарун лагъай чіал я. Чіал чи гуьзгуй

я. Ада чаз алатай девир, тарих, бубайрин адетар хуьз куьмекзава. Къуй зи чіала цавун вили бушлухра лув гурай.

Зунни ам хуьз гъар легъзеда гъазур я.

ЗИ ЛЕЗГИ ЧІАЛ

Зи лезги чіал, дидедин чіал, Захъ авай са багъади.

Ширин я ви лайлайдин ван Виридалай алади.

Шарвилини къванцин гада
Ви далудихъ дагъ хъана.
Эминани Сулеймана
Чаз шииррин багъ туна.
Вацун ширшир, багъдин
шагъвар,
Чка хуьда вун пакъдиз.
Ви гъар са гаф я чаз лувар
Тухузвай чун алемдиз.

Лейла ДЖАБРАИЛОВА,

Магъарамдхуьруьн М. Гъажиеван тіварунихъ галай юкьван №1 школадин 6- классдин ученица.

ЖУВАН ЧІАЛ ХУЪХ: АМ ВИ ХАЛКЪДИН ДЕВЛЕТ Я

ЛЕЗГИ чіал- дидед чіал! И къве гафуна ажайиб чимивал, экуьвал ва миъивал ава. Дуйнъдал ругуд агъзурдив агакьна авай чіаларикай сад лезги чіал я. Миллет садзавайди, шаксуз, чіал я. Ам чаз ата-бубайрилай атанвай, са затлунигни гекигиз тежедай аманат я. Чіал амай къван халкъни амукъда. Ам чи халкъди дегъзаманрилай гзаф дуйшуьшра яракъ гъиле аваз хвена. Чи чіал иранрин шагъривай, туьркверин, султанривай, арабрин халифривай бамишиз хъайиди туш. За умудзава, идалай къулухъни жедач, чи халкъди вичин чіал вилин нине хъиз хуьда, ам мадни девлетлу жеда.

Чіал халкъдин хазина я. Адак гзаф хуькуьрун виже къведач. Чіал къабулнавай тегъерда кіелна, ишлемишна кіанда. Лезги чіал маналу ва къиметлу эсерралди, ційийи фаралди, ибарайралди, илимдин кваллахралди девлетлу хъанва ва и квалах мадни давам жезва.

Гъар са касдиз вичин Ватан виридалайни багъа я «Ватан диде я», - лугъуда халкъди, вучиз лагъайтла дидедалай багъа зат авач. Дидедихъ галаз заз жуван чіални багъа я. Зи чіал диде хъиз назик, хъуьтуьл, чими ва ширин я. Ам заз дидеди лайлар ягъай чіал я.

А чіалал зи сивяй сифте келимаяр акъатна. Дидед чіалан ван заз квалени къвезва, куьчедани, школадани. Гъи чіалал рахайтлани, фагъум-фикир за дидед чіалал ийида.

Лезги чіалалди Е.Эмина, С.Сулеймана, Къ.Саида, Х.Тагъира ва гзаф маса шаиррини писателри гуьзел эсерар яратмишна. Школада сифтегъан классрилай башламишна чна лезги чіал чирзава, диб эцигзава. Эгер диб бегъемди тахъайтла, цла свар гуда. Хайи чіала чун алатай девирриз, чи тарихдин сиягъатдиз тухузва. Чіалан куьмекдалди чаз чи алатай несилрикай, абурун уьмуьрдикай, тарихдин вакъийрикай хабар жезва. Хайи чіалал кхъенвай мисалри, мискіалри, махари ва гъакіни амай вири эсерри акъул гузва, уьмуьрдин пис-хъсан чирзава. А.Фатахован Ризадин къаматдалди чун чіехи жезва, уьмуьр вилик тухузва «Къванцин гада», «Шарвили», А.Фатахован «Риза», М. Гъажиеван эсеррин игитри чун уьмуьрдин шегъредал акъудзава, руьгъ кутазава, яшамиш жез чирзава. Ибур хайи чіалалди кхъенвай нур гузвай гъетер хътин эсерарни игитар я. Гафунин къуват гзаф зурба я. Урусрин чіехи писатель Л.Н. Толстой чи халкъдин шумуд мисал хуш хъана: «Мецин таъсирдилай зурба я», «Гафуни авур хер гапурдин хирелай зурба я».

Чіал халкъарин руьгъ я, ада халкъар сад-садав агудзава, чіалан куьмекдалди тарих, адетар, культура хуьзва. Хайи литературадин эсерар кіелайла, чаз жуван халкъдин берекатлу тарих, адан къенин югъ ва гележег аквазва. Чіал галачиз я художественный литература, я адан иеси-халкъ жедач.

Алай вахтунда Дагъустандин чіалар чіехи къурхулувилик ква. Жегъилар, аялар хайи чіалал рахазвач. Чи вилик акъвазнавай чіехи везифайрикай сад чіалаз гуьрметун, ам хуьн я. За школада дидед чіалан гъакъиндай тухузвай вири мярекатра иштиракзава ва амай юлдашарни желбзава. Заз хайи чіалал кхъенвай ктабар кіелиз гзаф хуш я, абуру зак лувар кутазава, тербияламишзава.

Урусрин писатель Константин Паустовскийди икІ лагъана: «Дидедин чіалан къайгъу чіугван тийидай инсан вагъши я, вучиз лагъайтла чіалан къайгъуда тахъун, жуван халкъдин алатай, ва къвезмай девиррин къадар- къисметдин къайгъуда тахъунин нетижа гъахътинди я».

Чіал чи девлет я! А девлет хуьнин къаравулда чун вири сад хъиз акъвазна кіанда.

Мурад КЪАДИРОВ,

Магъарамдхуьруьн М. Гъажиеван тіварунихъ галай юкьван №1 школадин 7- классдин ученик

ЧИ РЕСПУБЛИКАДА

КЪАЙГЪУСУЗВАЛ БАГЪИШЛАМИШДАЧ

2 ←

ахтармишунин квалах башламишнава. И кардал МЧС-дин Госжилинспекциядин, газдин ва пожарный кюллугърин векилар машгул я. Гъаниз килигна, газдин идарадин векилри республикадин агъалийриз ТО-дин икърарар кутунунин месэладив жезмай къван жавабдарвилелди эгечлуниз эвер гузва.

РИКЕЛ ХУЪН
ВАЖИБЛУ Я

Зулунни хуътлуън вахтунда газдин приборри, иллаки гужлудаказ квалахзава. Гъаниз килигна, газдин идарадин кюллугъчийри агъалийривай агъадихъ галай меслятриз фикир гун тлалабзава.

-къайдада авачир газдин приборар ишлемишун къадагъа я;

-газдин пичер эцигнавай чкайриз датлана михъи гъава къведайвал авуна кянда (проветривать);

-газ кайила, жезвай продукт гурмагъдиз физвай приборар ишлемишдайла, ана (гурмагъда) гъавади члугвадай къуват аватла ахтармишна кянда. Эгер авачтла, пич ишлемишун къадагъа я. Вучиз лагъайтла, зегъерламишдай шейэр квалеле гъатун мумкин я;

-газдин пичер авай квалер ксун ва ял ягъун патал ишлемишмир;

-квалахзавай газдин пичер фикир тагана тамир, абур квал чими авун патал ишлемишмир;

-газдин пичерив аялар агудмир;

-приборар пешекаррин куъмек галачиз ремонт ийимир;

-пешекаррин куъмек галачиз квалера газдин системаяр тайи-

нармир, турбаяр санай масаниз акъудмир;

-гурмагъар ва гъава михъдай тадаракар, гъакни галкюрдай патрубкаяр, гурмагърин кылер авай гъал вахт-вахтунда ахтармишна ва ВДГО-дин ТО тамамарзавай организациядив абур ахтармишуниз талукъ актлар агакъара;

-къетлен фикир шибера (задвижка) авай пичериз це. И алат дуъздаказ ишлемиш тавуни гзаф вахтара бедбахтвиллин дуъшуъшрал гъизва.

Рикел хуъх: эгер квалеле газдин ни аватла, тади гъалда аварийный кюллугъдиз эверна кянда. Абурув хабар стационардин телефондин-04, мобильный телефондин 104 нумрадиз, я тахъайтла къутармишунин кюллугъдин сад тир нумрадиз- 112 зенг авуналди агакъариз жеда.

Жасмина САИДОВА.

Информация об итогах аукционов, назначенных на 02.03.2020 год

1) Земельный участок
адрес: РД, Магарамкентский район, с. Филъа;
площадь – 1550000 кв.м.;
обременения – отсутствуют;
кадастровый номер 05:10:000072:121;
целевое назначение – для сельскохозяйственного использования;

категория земель – земли сельскохозяйственного назначения;

вид права – долгосрочная аренда сроком на 49 лет;
победитель аукциона: Галимова Эльмира Магамедрагимовна.

2) Земельный участок
адрес: РД, Магарамкентский район, с. Чахчах-Казмалар;

площадь – 100000 кв.м.;
обременения – отсутствуют;
кадастровый номер 05:10:000036:673;
целевое назначение – для сельскохозяйственного использования;

категория земель – земли сельскохозяйственного назначения;

вид права – долгосрочная аренда сроком на 49 лет;
победитель аукциона: Рамазанова Зайнаб Хинибиевна.

3) Земельный участок
адрес: РД, Магарамкентский район, с. Капир-Казмалар;
площадь – 50007 кв.м.;

обременения – отсутствуют;
кадастровый номер 05:10:000042:404;
целевое назначение – для сельскохозяйственного использования;

категория земель – земли сельскохозяйственного назначения;

вид права – долгосрочная аренда сроком на 49 лет;
победитель аукциона: Керимов Тамерлан Эмирасланович.

4) Земельный участок
адрес: РД, Магарамкентский район, с. Оружба;
площадь – 100 кв.м.;
обременения – отсутствуют;
кадастровый номер 05:10:000017:1069;
целевое назначение – для предпринимательства;
категория земель – земли населенных пунктов;
победитель аукциона: Халилова Рафиат Загидиновна.

5) Земельный участок
адрес: РД, Магарамкентский район, с. Магарамкент;
площадь – 155 кв.м.;

обременения – отсутствуют;
кадастровый номер 05:10:000001:4605;
целевое назначение – для Магазинов;
категория земель – земли населенных пунктов;
вид права – долгосрочная аренда сроком на 49 лет;
победитель аукциона: Галимова Эльмира Магамедрагимовна.

6) Земельный участок:
адрес: РД, Магарамкентский район, с. Магарамкент;
площадь – 40 кв.м.;
обременения – отсутствуют;
кадастровый номер 05:10:000001:4674;
целевое назначение – для предпринимательства;
категория земель – земли населенных пунктов;
вид права – долгосрочная аренда сроком на 49 лет;
победитель аукциона: Курбанов Марат Шахмурад-ович.

→ 8

Информация

о проведении независимой оценки качества условий оказания услуг, учреждениями культуры и образования Магарамкентского района

Независимая оценка качества условий оказания услуг организациями в сфере культуры и образования является одной из форм общественного контроля и проводится в целях предоставления получателям услуг информации о качестве условий оказания услуг учреждениями культуры и образования, а также для повышения качества их деятельности.

Независимая оценка качества предусматривает оценку условий оказания услуг по таким общим критериям, как:

открытость и доступность информации об учреждении культуры и образования;

комфортность условий предоставления услуг и доступность их получения;

доступность услуг для инвалидов;

доброжелательность, вежливость, компетентность работников организаций в сфере культуры и образования;

удовлетворенность качеством оказания услуг.

При проведении независимой оценки качества используется общедоступная информация об организациях культуры и образования Магарамкентского района, размещаемая также в форме открытых данных.

В целях создания условий для организации проведения указанной оценки администрацией МР «Магарамкентский район» сформирован Общественный совет при Админист-

рации МР «Магарамкентский район» по проведению независимой оценки качества условий оказания услуг, муниципальными учреждениями культуры и образования, расположенными на территории муниципального района «Магарамкентский район» и утверждено Положение о нем.

Данным Общественным советом определяется перечень организаций в сфере культуры и образования Магарамкентского района, в отношении которых будет проведена независимая оценка и сформировываются предложения для разработки технического задания для организации, которая будет осуществлять сбор, обобщение и анализ информации о качестве оказания услуг организациями в сфере культуры и образования.

Министерством образования и науки РД по результатам заключения соответствующего государственного контракта оформляется решение об определении оператора, ответственного за проведение независимой оценки качества условий оказания услуг, учреждениями образования. Администрацией МР «Магарамкентский район» заключается договор с оператором, ответственным за проведение независимой оценки качества условий оказания услуг, учреждениями культуры - ООО «Самур».

По результатам работ, проведенными операторами, и представления в Общественный совет при Администрации МР «Магарамкентский район» по проведению независимой оценки

качества условий оказания услуг, муниципальными учреждениями культуры и образования, расположенными на территории муниципального района «Магарамкентский район» соответствующей информации, сформировывается рейтинг учреждений культуры и образования, а также вырабатываются меры по совершенствованию деятельности указанных организаций.

Согласно Порядку проведения независимой оценки качества условий оказания услуг учреждениями культуры и образования муниципального района «Магарамкентский район», утвержденному постановлением администрации МР «Магарамкентский район» от 26.12.2018г. № 688 учреждениям, занявшим высшие места в региональном рейтинге предусмотрено поощрение в виде объявления благодарности главы муниципального района «Магарамкентский район», а учреждениям, занявшим низкие места в региональном рейтинге - внеочередное прохождение аттестации руководителей учреждений в сфере культуры и образования или же ликвидация или реорганизация учреждения.

Информация о результатах независимой оценки учреждений культуры и образования размещается на официальном сайте администрации МР «Магарамкентский район» в сети «Интернет», а также на сайте bus.gov.ru с обеспечением технической возможности выражения мнений получателями услуг и иными гражданами о качестве оказания этих услуг.

Информация об итогах аукционов, назначенных на 02.03.2020 год

7 ←

7) земельный участок:
адрес: РД, Магарамкентский район, с. Картас-Казмаляр;
площадь – 100 кв.м.;
обременения – отсутствуют;
кадастровый номер 05:10:000016:1298;
целевое назначение – для предпринимательства;
категория земель – земли населенных пунктов;
вид права – долгосрочная аренда сроком на 49 лет;
победитель аукциона: Аллахкулиев Равиддин Алискендарович.

Информация об итогах аукционов, назначенных на 06.03.2020 года:

1) земельный участок:
адрес: РД, Магарамкентский район, с. Магарамкент;
площадь – 20 кв.м.;
обременения – отсутствуют;
кадастровый номер 05:10:000001:4664;
целевое назначение – для предпринимательства;
категория земель – земли населенных пунктов;
вид права – долгосрочная аренда сроком на 49 лет;
победитель аукциона: Рамазанов Рамзес Русланович.

<p>Къилин редактор А.А. ИСМАИЛОВ.</p>	<p>Учредитель: Администрация муниципального района «Магарамкентский район».</p> <p>Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.</p>	
<p>Редакциядин адрес: 368780. РД, Магъарамдхуьруьн район, Магъарамдхуьр, Ленинан куьче.</p>	<p>Газета «Самурдин сес» (Голос Самура) зарегистрирована Региональным управлением Комитета РФ по печати в РД.</p>	<p style="text-align: center;">Газетдин регистрациядин нумра- Д 0174</p> <p>Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги чап.</p>
<p>Газет гъафтеда садра акъатзава.</p>	<p style="text-align: center;">Чап ийиз вахкудай вахт - 16.00. Чапун патал къул члугуна- 15.00.</p>	
<p>Телефонар: редактор- 25-1-37, жавабдар секретарь - 25-1-39, бухгалтер-25-9-69.</p>		<p>Индекс 63340. Тираж 1400 Заказ № 13</p>